



UPA 2026/87-1

Aqqalu C. Jerimiassen

Atassut

04. juni 2026

**Kalaallit Nunaanni Namminersorneq pillugu inatsit naapertorlugu, Kalaallit Nunaannut imminut naalagaaffittut oqartussaaffigilernissaanut isumaqatigiissut qaqugu, Inatsisartut akuersissuteqarnissaat siunertaralugu Inatsisartunut agguanneqartussatut saqqummiussaqaarnissaanut, piffissaritinneqartussamut missiliuteqarnissamut Naalackersuisut peqquneqarnissaat Inatsisartut aalajangiiffigisassaattut siunnersuut.**

(Inatsisartunut ilaasortaq Pele Broberg, Naleraq)

21/06-3026 toqqarsinnaagunarpaput piffissaliissagutta Atassummiit.

Sooq taamannak piviusorsiuunnginnerpaamik piviusoorpalaanngittumillu piffissaliivugut Atassummiit, tassamiaasiit unnummut oqaatigiumaagassasi siumoorlugit oqaatigereeratsigit, pisuusaarneq taamaattuusaarnerlu, tassa Naleqqap fb-mi livernermini partiinut allanut oqaasinnaavi.

Qanorluunniimmi oqalukkaluartilluta, annikinnerpaamik Naleqqamut illuatungiliisimaneq tassaasarmat kalaallinunngooq illersuinnginneq, qangaanerusoq taasagaattuut, allaanngittoq cd kingarnikoq.

Siunnersuutigineqartooq qanoq maannakkumut tulluurtuutiginersooq Atassummiit apeqqusernartoqartippaput, soorunami qaquguungaluarnersooq aap ataqqinigaarumaarpugut, inuit taasitinneqassagalarpata amerlanerussuteqartullu ilinniagarissaarlutik aningaasarsiarissaarlutillu aarlerinangitumik inissisimallutik piareersimalluurtutut misigalutik taasippata.

Ullumikkut nilliaateqarneq namminiilivittariaqarnermik mutiuvoq, taannalu qineqqusaarnermi aammattaq uteqqianneqartarluni, taanna uagut Atassummi kisitta erseqqarinnerpaamik illuatungilertarpaput.

Partiillu siunnersuuteqartup sassartitarisimasarpasuinit Atassut taakkartorneqalersarpoq pallortuusugunngooq, ataniaannartut qallunaannguartullu.

Tassagooq kalaallit ataatsimoorsinnaallutik pissuserissaarlutillu oqaatsit atortagaat kinguaaminnut malingassaqqillutik.



Ima ittunut siunnersuutitut illuatungiliitilluta oqaatsigut killorneqartartut takornartaanngilaq, isummeqataaniaraluartarnerlu taamaalilluni allatut isumaqartuulluni qulequttanut ima ittunut nakernarunnaavinnikuulluni, kisimiigunanneqaagullu Atassummi taamak misigisartuni, nipagersangaasutut avammut saqqummertuartut tassaammata nipangersaanerpaasartut.

Inuiaqatigiit namminiilivikkiartuaarnissaannut siunnerfeqarnermik oqalussagaanni allatut isumallit tullaareqqaartuartaqarnissaat ilumut tulluartaunersoq paaserusunnarpoq, misiarnermiaat takussaqaarparput ajoraluartumik.

Tunngaviumik inatsisissatut missigiut eqqarsaatigalugu suleriaqqissagaanni, tamatumuuna kaammattuutiginarpoq, taamani sulinertut tukatsigisumut inissittoqassanngitsaq, tassami aningaasarpasut tassunga atornerqarnikuupput, suliarlu pitsaanerungaarsinnaanikutut isikkoqaralarpoq.

Sineriassuarput suliassarpasuarnik ulikkaarpoq, aamma taakku kinguarsaataanerarlugit ersisaarutaanerassanngilasili, piviusut taaneqartut.

Noqqaassutigineqartuarpoq inersuarmi maani inatsisartunit, nunatsinni sanaartornikkut kinguaattooruterpassuit, inuit piitsuussutsimikkut sakkortuumik atungaat, inoqatigut ikiorneqartariaqartut allarpasuillu.

Tassunga killissimassanngikkaluarnelutami piaarpallaamik 2009-mi namminersorneq eqqunniataarpallaarneqarsimannngitsuuppat? Sooruna oqartussaaffiit aningaasatigut tigungerini malitseqarsinnaanerini tigusimannngikkigut, maannalu aatsaat naalagaaffimmit ataatsimoortumik tapissuutit paarnaarlugit inissinneqareerneranni tamannuat aallartinniarsarilerluta.

Ilami iluarsisariallit taagugassagut amerlaqaat, piffissaanngilarli namminersorneq pillugu inatsimmi §21 maanna toornissaanut, toorneqassappat Atassummiit oqareernitsituut 3026 innersuukkumaarput.

Namminersornermut inatsipput maanna annerpaamik sorpassuarnut kalaalliulluta illersuisoraarput, ataguli qallunaannguarterlata, taanna atorluarlugu suli ineriartorsinnaaqaagut naalagaaffeqatigiinnerup, taamaattuusaarneruunngittoq iluani suleqatigiilluarnikkut.

Ikiorneqarnermi qinnuloornerunngilaq, inoqatitta ikiortarissap apeqqutaatingilaa naalagaaffinngorsimalluni iteruni imaluunniit ikiorneqarsinnaalluni suli akeqanngitsumik iteruni.

Naalakkersuisut nassuiaataat uagut Atassummiit paasilluarparput, suliat ingerlasut nassuiarneqareerput, aamma taakku qularinngilara kalaallinut allatulli illersuisut, soorlu aamma Atassutip kalaallit illersora, tassami Naleqqap pilersitsisoringaluata tamanna ilanngulluni allaat uagutsinnut taanikuua, allatulli soorunami Atassut aamma nunarput pillugu sulivoq.

Taamaattumillu una siunnersuut taamatut isikkoqartillugu itigartillugu Atassummiit oqaaseqarpugut.